

十石令復其家初蔚州事李殷見執倭寇留對馬島仁貴等請  
往對馬島諭以恩信與殷等還○辛亥 上次于臨津其南有  
前朝侍中貞烈公慶復興墓 上曰慶侍中慷慨清直位侍中  
視予猶子予亦父事之乃遣僉節制使趙思義致祭○賜降倭  
皮六米石三十豆石二十伴人二名衣笠各一件○壬子 次  
壽義浦觀火獵○癸丑 次松都○三月甲寅 幸演福寺○  
丙辰暴風夜東北有赤氣○丁巳遣內官金龍奇致祭于景僖  
公王瑀○幸敬天寺設華嚴法席薦 神德王后○戊午以前  
判事金原浩女為官人○辛酉叅贊門下府事安翊同知中樞  
院事金希善藝文春秋館學士權近賁擎 皇帝勅慰詔書及  
宣諭聖旨 御製詩禮部咨文二道回自京師其 勅慰曰  
使者至聞 王首妃康氏薨嗚呼甚矣哉 王必晨昏眷戀不  
能自己為何昔化家為國勤勞內助母儀三韓非康氏者誰今  
也人亡迹在此非眷戀不能自己者乎況昔存時 王當宵衣  
之際康氏數更而省之盱食勤勞康氏節之而以奉歲月視朝